

KA.nr.32/2013

REPUBLIKA E KOSOVES/REPUBLIKA KOSOVA/REPUBLIC OF KOSOVO	
AGJENCIA KUNDER KORRUPSIONIT AGENCIJA PROTIV KORUPCIE ANTI-CORRUPTION AGENCY	
Dep. Dep. <u>DPK/DMP</u>	Nr. Prot. Prot. No <u>03-2695/13</u>
Nr. i faq. Broj stranica <u>02</u>	Data Datum <u>06-09-2013</u>
Nr. pages	PRISHTINE

GJYKATA E APELIT E KOSOVËS, në kolegjin e përbërë nga gjyqtarët : Mejreme Zekaj kryetare, Biljana Rexhiq dhe Ramiz Kuqi anëtarë, me pjesëmarrjen e bashkëpunëtores, Sabahate Hoti, duke vendosur sipas ankesës të paraqitur nga Agjencia Kundër Korrupsionit në Prishtinë, kundër aktvendimit të Gjykatës Komunale për Kundërvajtje në Ferizaj, Nr.regj.11515/2012 të dt. 29.11.2012, në bazë të nenit 31 al. 3, 39 dhe 221 të Ligjit mbi kundërvajtjet, më 28.01.2013 merr

AKTVENDIM

Ankesa e paraqitur është e bazuar.

NDRYSHOHET aktvendimi i Gjykatës Komunale për Kundërvajtje në Ferizaj, Nr.regj.11515/2012 të dt. 29.11.2012, ashtu që të pandehurës Firinaze Isufi, nga fshati Lloshkobare, për kundërvajtjen nga neni 17 par.1 pika 3. të Ligjit për Deklarimin, Prejardhjen dhe Kontrollin e Pasurisë të Zyrtarëve të Lartë Publik dhe Deklarimin, Prejardhjen dhe Kontrollin e Dhuratave për të Gjithë Persona Zyrtar, i shqiptohet dënimi me gjobë në shumë prej 500 (pesëqind) Euro, konform nenit 3 dhe 9 të LK-së, të cilën gjobë ka për ta paguar në afat prej 15 ditësh, nga dita e pranimit të këtij aktvendimi, në të kundërtën gjoja e shqiptuar do t,i zëvendësohet me dënim burgimi në kohëzgjatje prej 30 ditësh.

Nga një kopje të këtij aktvendimi duhet dorëzuar palëve në procedurë.

Arsyetim

Gjykata Komunale për Kundërvajtje në Ferizaj, sipas aktvendimit Nr.regj.11515/2012 të dt. 29.11.2012, e ka PEZULLUAR procedurën kundërvajtëse ndaj të pandehurës Firinaze Isufi, nga fshati Lloshkobare, për kundërvajtjen nga neni 17 al.1.3. të Ligjit nr.04/L-040, konform të nenit 198 al. 1. pika 8. të Ligjit për Kundërvajtjet, në mungesë të provave.

Kundër këtij aktvendimi Agjencia Kundër Korrupsionit në Prishtinë, ka paraqitur ankesë për shkak të vendimit mbi dënimin, me arsyetim se: gjykata e shkallës së parë e ka pezulluar procedurën kundërvajtëse sipas nenit 198. al.1 pika 8 të LK-së, për shkak se e pandehura nuk e ka pranuar personalisht formularin për deklarin e pasurisë. Përkundër përkundër kësaj konsiderojnë se janë plotësuar kushtet sipas nenit 4 të këtij Ligji, se gjykata ka vepruar në kundërshtim edhe me nen.17 par.1. pika 3 të Ligjit nr.04/L-050. nga se të gjitha faktet dhe rrethanat tregojnë se e pandehura e ka kryer kundërvajtjen me të cilën ngarkohet. Propozon që aktvendimi i shkallës së parë të prishet, lënda të kthehet në rigjykim, dhe ndaj të pandehurës të shqiptohet dënimi meritor sipas ligjit.

Kolegji i kësaj gjykate duke i vlerësuar thëniet në ankesë, aktvendimin e goditur dhe shkresat tjera të lëndës konstatoi se ankesa e paraqitur është e bazuar.

Kolegji vlerësoj thëniet në ankesën e parashtruar, aktvendimin e goditur deklarimin e të pandehurës Firinaze Isufi në seancën shqyrtimit kryesor, procesverbal të dt.27.09.2012, e cila në mbrojtjen e vetë e mohon të ketë qenë e njoftuar në mënyrë të rregullt për obligimin për deklarimin e pasurisë; dëshminë e dëshmitarit Afrim Matoshi-zyrtarë i kuvendit, të dhënë në procesverbal të dt.03.10.2012 cili dëshmon se formularët për deklarimin e pasurisë i ka pranuar nga Naser Musa dhe i ka shpërndarë personalisht në të gjitha ulëset e Kuvendit Komunal në Ferizaj në mbledhjen e dt.09.03.2012; dëshminë e dëshmitarit Naser Musa-zyrtar kontaktues i komunës të dt.03.10.2012 i cili gjithashtu dëshmon se duke marr parasysh se të gjithë delegatet nuk posedojnë email, unë jam marr vesh me kryesuesin e Kuvendit Agim Aliu që materialin për deklarimin e pasurisë ta shpërndajmë për të gjithë delegatët në mbledhjen e kuvendit të dt.09.03.2012, kur edhe e kam shpërndarë materialin nëpër tavolina kurse kryesuesi i kuvendit Agim Aliu në fillim të mbledhjes i ka njoftuar delegatët se në tavolina e kanë materialin dhe se duhet ta deklarojnë pasurinë, e si dëshmi për këtë në shkresat e lëndës e ka deponuar regjistrin e anëtarëve pjesëmarrës në mbledhjen e Kuvendit Komunal të dt.09.03.2012; dëshminë e dëshmitarit, Agron Behrami-zyrtarë i AKK-së, në procesverbal të dt.02.11.2012 vërteton se pika kontaktuese për zyrtarët e Komunës së Ferizajit, Naser Musa, ka qenë i njoftuar me kohë me dokumentacionin për informim të delegatëve për deklarimin e pasurisë, si dhe në bazë të provave tjera konstatoj se:


Gjykata e shkallës së parë nuk i ka vlerësuar drejtë provat e nxjerra dhe të deponuara në gjykatë e si pasojë e ka pezulluar procedurën kundërvajtëse ndaj të pandehurës edhe pse siç u cekë më lartë është konstatuar se e pandehura Firinaze Isufi ka qenë e njohëtuar për obligimin për deklarimin e pasurisë por një gjë të tillë nuk e ka bërë me çka ka kryer kundërvajtje nga nen.17.par.1.pika 3. të Ligjit për Deklarimin Prejardhjen dhe Kontrollin e Pasurisë të Zyrtarëve të Lartë Publik dhe Kontrollin e Dhuratave për të Gjithë Personat Zyrtarë, për çka, Kolegji e ndryshoi aktvendimin e goditur ashtu që të pandehurës Firinaze Isufi për veprën e kryer kundërvajtëse si më lartë ia shqiptoi dënimin me gjobë në shumë prej 500 Euro, duke pasur për bazë të gjitha faktet dhe rrethanat e kryerjes së veprës kundërvajtëse. Duke marr për bazë faktin se e pandehura për herë të parë ka ra ndesh me Ligjin se është hera e parë se është obliguar që të deklarojë pasurinë, se në ndërkohë gjegjësisht me dt.11.09.2012 e ka bërë deklarimin e pasurisë, Kolegji vendosi që ndaj të pandehurës ta bëjë zbutjen e dënimit nën minimumin ligjor për këtë lloj kundërvajtje si më lartë, konform nenit 3 dhe 9 të LK-së si dhe duke pas për bazë dispozitat e nenit 7 të LK-së dhe duke llogaritur se edhe me këtë dënim do të arrihet qëllimi i ndëshkimit ashtu që e pandehura në të ardhmen të mos kryej vepra kundërvajtëse të njëjta apo të ngjashme. Më sa u tha më lartë konform të nenit 221 të LK u vendës si në dispozitiv të këtij aktvendimi.

Kundër këtij aktvendimi nuk është e lejuar ankesa.

GJYKATA E APELIT E KOSOVËS.

KA. nr. 32/2013 të dt.28.01.2013

Procesmbajtësja
Sebahate Hoti



KRYETARI I KOLEGJIT,
Mejreme Zekaj

